



Nuuk ulloq 16.08.16

Inatsisaartut suleriaasianni § 37 naapertorlugu Naalakkersuisunut imaattumik apeqquteqarpunga.

Apeqqutit:

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Sanaartornerup iluani ilinniarsimassuseq qaffassarneqarnissaa suli pisariaqartipparput, aatsitassarsiorup iluani periarfissat annertusiartorput, nunaqarfinnilu qaartiteraluni nunagissaanerit avaqqunneqarsinnaanngillat, taamaattumik Naalakkersuisut pilersaaruteqarnerlutik nunatta ilaani inoqarfinni pikkorissaasoqarsinnaaneramik aqutissiuissallutik?

Sanaartornermi ilinniarfik suleqatigalugu, Naalakkersuisuni anguniarneqarsinnaanerluni illoqarfiit nunaqarfiilluunniit arlaanni qaartiteraluni nunagissaanermut pikkorissaasoqarnissaa? Suliffeqarfiit pioreersut suleqatigineqarsinnaapput atortuutaannillu atuineq periarfissaasinnaavoq.

Assersuutitut inuit qulit (10) qaartiterinermut nunatta ilaani pikkorissarnermut atorutsigit, suliffeqarfiit innuttaasullu pisariaqartitaat nunagissaanermut iluaquserneqarnissaa qularutigineqassanngilaq, sumiissinnaaneralu apeqqutaagaluartoq tamanna qanoq akeqarsinnaanera Naalakkersuisuniit nalilersorneqarsinnaanerluni?

Nunatsinni apeqqummi 3-imi periarfissat ajornakusoorpata, assersuutitut Norge-mi Norge-miunilluunniit suleqateqarluni aaqquissuussinnaaneq Finanslov aqutigalugu aningaasaliisinnaaneq Naalakkersuisuniit anguniarneqarsinnaanersoq paasisaqarfigerusuppara?

(Inatsisartunut ilaasortaq, Siverth K. Heilmann Atassut)



Tunnngavilersuut

Soorlu apeqqutini qulequttat takutikkaat, nunatsinni ineriartorneq sanaartorneq suliffissaqartitsineq, unigani kingumut isumalluarnartumik annertusiartuinnartoq ornipparput. Suliffeqarfiit nunaminertamik pisariaqartitsisarnerat ilaatigut piffiit ilaani ilungersunarsinnaasarpog, qaartiterineq nunagissaanerillu akikitsuinnaaneq ajormat, minnerunngitsumik qangaanerusumut sanilliullugu atortutigut pitsaaneroqisumik periarfissaqarfusoq, malinnaavigissagutsigu aqputaasariaqarpoq inuusuttunik soqutiginninnerulernissamut politikikkut aqputissiuussinissarput.

1960-ikkunni annertoorujussuarmik qaartiterineq nunagissaanerillu ingerlanneqarnikuupput. Maniitsup illoqarfiani pikkorissarnermut atatillugu qaartiteraluni aqqusinniornerit ingerlanneqarnikuupput, isumaqarpungalu taamatut aqqissuussisarnerit nunatsinni inoqarfinni siunertaqarnerusumik sammivilerlugit kingumut aningaasanut inatsit aqputigalugu aammalu sanaartornermi ilinniarfik Sisimiuniittoq atorluarlugu aningaasaliinissamut politikikkut aqputissiuuttariaqaripput. Aatsitassarsiorfiilluunniit aallarteralerpata, nunaqavissunillu sulisoqarnissamik piumasaqartarnerput inuttassaqartissagutsigit, ungasinnerusoq isigalugu inuusutissarsiornermi ilinniartitaanikkullu politikkitsinnut suli pilerinarnerulersitsinissarput suliffissanillu qinigassaqartitsinerunissarput aqputissaavoq pitsaanerpaaq.

Neriullunga apeqquteqaammut ullut suliffiusut qulit iluanni akissutisiumaarlunga.